

կեղեցւոյն (9) :

«Այս արդէն մի ապացոյց է, կ'ըսէ Լէո, որ իրենց ազատութեան մասին մտածող հայերը, ինչպէս այս տեսանք եւ Ստեփանոս ու Միքայէլ Կաթողիկոսների ժամանակ, վճռել էին միանալ Կաթողիկ եկեղեցուն : Սկսուում է մի շարժում, որի գլուխն է Յակոբ Կաթողիկոսը : Ութսունամեայ ծերունին, որին հայերը, նրա նախորդի նման, համարում էին հրաշագործ, գործել սկսում է երիտասարդական ողելորութեամբ : Նա չէր կարող, ի հարկէ, անշարժ ու անտարբեր մնալ այնպիսի մի ժամանակ, երբ Կաթողիկ կրօնը պատրաստուում էր տօնել իր ամենամեծ յաղթանակը : Յամառել իր ազգային առանձնութեան մէջ այլեւս չուղեց ամենայն հայոց Կաթողիկոսը : Եւ այս տրամադրութիւնը միայն նրան չէր յատուկ, այլեւ կրօնական եւ աշխարհական շատ շրջանների : Նախիջևանի հայ Կաթողիկ եպիսկոպոս Մատթէոսը տարիներով (1668-1674) Սպահանում կատարում էր Լուի ԺԴ-ի, Պապի եւ Վենետիկի Հանրապետութեան ներկայացուցչի պաշտօնը : Հայ Կաթողիկ երիտասարդները տարւում էին Պարսիկ ուրիշ ազգերի (մարոնի, յոյն) երիտասարդների հետ, կըրթուում էին այնտեղ եւ իսկոյն հայրենիք վերադարձուում, որպէսզի այնտեղ տարածեն սէր դէպի Ֆրանսիան : Այս բոլոր երեւոյթները նոր տրամադրութիւններ էին բա-

(9) Լեո, Ամդ 344 :